

Ո Ր Ո Շ ՈՒ Մ N 79 /6
/վարչական տույժ նշանակելու մասին/

«26» մարտի 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, քննելով ժանա Մինասյանի /անձն. 07AH02735, քաղաքացիություն՝ Վրաստանի Հանրապետության, հասցե՝ ք. Թբիլիսի, Իսանի, շ.3, բն4/ կողմից մաքսային կանոնների խախտման վերաբերյալ գործը

Պ Ա Ր Զ Ե Ց Ի

Վրաստանի քաղաքացի ժանա Մինասյանի անվամբ 29.01.2018 թվականի թիվ 05100033/290118/0000153952 մաքսային մուտքի օրդերով «Ժամանակավոր ներմուծում» մաքսային ընթացակարգով 30 օր ժամկետով ՀՀ տարածք է ներմուծվել MERCEDES-BENZ CLK320 մակնիշի, II501XX պետհամարանիշի, 1997 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը երկարաձգվել է մինչև 29.01.2019 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի ավագ մաքսային տեսուչ-իրավաբանի կողմից 04.02.2019 թվականին ժանա Մինասյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ MERCEDES-BENZ CLK320 մակնիշի, II501XX պետհամարանիշի, 1997 թվականի արտադրության տրանսպորտային միջոցը 29.01.2018 թվականին Բազրատաշենի մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի կատարվել:

Նշանակվել է գործի քննություն 01.03.2019 թվականին ժամը 16:00-ին, վերջինս պատշաճ ծանուցվել է:

Գործի քննության շրջանակներում 08.02.2019թ. թիվ 22.1.1/1934424 գրությամբ հարցում է կատարվել ՀՀ ՊԵԿ աշխատակազմի մաքսատուն-վարչությունների ժաննա Մինասյանի /անձն.07AH02735/ կողմից 29.01.2018թ. թիվ 05100033/290118/0000153952 ՄՄՕ-ով ներմուծված MERCEDES-BENZ CLK320 մակնիշի /vin WDB2083651F019993/, II501XX պետհամարանիշի, 1997 թվականի արտադրության տրանսպորտային միջոցը այլ ընթացակարգով ձևակերպվելու վերաբերյալ տեղեկատվություն ստանալու նպատակով:

Պատասխան գրությամբ հայտնել են, որ վերոհիշյալ տրանսպորտային միջոցը մաքսային ընթացակարգով չի ձևակերպվել:

Գործի քննությունը հետաձգվել և նշանակվել է 26.03.2019թ. ժամը 16:00-ին, քանի որ չի ստացվել կատարված հարցումների բոլոր պատասխանները և չէր ստացվել ծանուցման հետադարձ պատասխանը:

Ժաննա Մինասյանին հասցեագրված ծրարը փոստային բաժանմունքից ետ է վերադարձել տեղափոխված նշագրումով և համաձայն ՀՀ ՊԵԿ Ներքին անվտանգության վարչություն կոմից տրամադրված տեղեկատվության վերոհիշյալ անձը գտնվում է ՀՀ սահմաններից դուրս, ուստի ՀՀ ՄՕ 219 հոդվածի 2-րդ մասի ուժով սույն վարչական գործը քննվում է վերջինիս բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե **նա գտնվում է Հայաստանի Հանրապետության սահմաններից դուրս**/: Տրանսպորտային միջոցի մաքսային արժեքն՝ ըստ մաքսային մուտքի օրդերի կազմում է 1345680 ՀՀ դրամ, որի «Բաց թողնում» ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 699754 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության

միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Սույն դեպքով ժանա Մինասյանի անվամբ 29.01.2018թ. թիվ 05100033/290118/0000153952 մաքսային մուտքի օրդերով ՀՀ ներմուծված MERCEDES-

BENZ CLK320 մակնիշի, II501XX պետհամարանիշի, 1997 թվականի արտադրության տրանսպորտային միջոցի ժամկետը ավարտվել է 29.01.2019թ.: Ժանա Մինասյանը վերոնշյալ ավտոմեքենան սահմանված ժամկետում չի արտահանել ՀՀ տարածքից և չի ձևակերպել <<Մաքսային պահեստ>> մաքսային ընթացակարգով:

Այսպիսով վարչական մարմինը քննելով գործում առկա ապացույցները գտնում է, որ Ժանա Մինասյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար Վրաստանի քաղաքացի՝ Ժանա Մինասյանին ենթարկել վարչական պատասխանատվության՝ տուգանելով 349877 ՀՀ դրամի չափով:
2. Որոշման մասին հայտնել Ժանա Մինասյանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արեվելյան մաքսատուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ